



AVATAANI \$1 MILIAN IKAYUUTIT TAPKUNUNGA NUNAVUT INUIT ILIHAQTUT

(Juni 5, 2020 – Iqaluit, Nunavut) Avataani atauhiq milian taalat tuniyauhimayut tapkununga Nunavut Tunngavik Nanminilgit (NTI) Katimayit hugiaqniq tapkuat atuqpiarialgit piyaqaqni Inuit ilihaqtut hugiaqhugit tapkuat Qalakyuarniq Aaniarutauqpiaqniq.

Tapkuat maniktakhat katitai tapkuat Mastercard Tunngavik tunityutai tapkuatlu Kavamatkut Kanataup Inuit Ilihatqikhaqtut Iliharniq tunityutai. Maniktakhat tuniyauhimayut tapkununga Nunaliit Avikhimanini Inuit Katutyiqatigit tapkuatlu Kakivak Katutyiqatigit tapkuanguyut:

Kitikmeot Inuit Katutyiqatigit, katitlugit	\$248,646.95
Kivalliq Inuit Katutyiqatigit, katitlugit	\$341,957.08
Qikiqtani Inuit Katutyiqatigit, Mastercard Tunngavik	\$227,257.77
Kakivak Katutyiqatigit, Inuit Ilihatqikhaqni Iliharniq	\$263,055.17
Katitlugit	\$1,080,916.90

Ilihaqtut piyaqaqni hugiaqtauniat tapkununga nunaliit avikhimani ihumagiqahiutini ilaqaqniatlu:

- Atatyutainut tuluqtautit (tapkuatut angilrami qaritauyakkurutit, tigumiagat qaritauyat qaritauyakkutlu ilihautit hanalrutit)
- Irininaqtunut maniktakhat ilihaqtunut nuktiqtut (tahapkuatut hanalrutit ikayuriangi iniqhiyut ilihaqtut pilaqtut ilihatqikharniqmun havagutit)
- Attaqtuhivalliqni qaritauyakkut ikayurutit (tapkuatut ilikkut ilihautyauni, ihumaliqutit aaniaqtailiniq kivgaqtutit)
- Munaruini tapkuat pivaliani aktuanit taphuma Qalakyuarniq-19 tahapkununga Inuit nunaliit ilihaqtutlu

“Tamna Qalakyuarniq-19 aaniaquarniq agliyumiyai tapkuat piyalgit hivunmuktittangi iliharniq pivaliatitnitlu nunalikni, amihutigininut havaktiuyut. Niriugittiaqtara tamna atuqtaunia taphuma aaniaquarniq Nunavutmi hakugitqiyauyuq, nunalikni, amihutikkutainut Inuit havaktit tamaitni avikhimanini,” uqartuq Aluki Kotierk, Angayuqaq NTI-kutni. “Pinahuaquyatka Nunavut Inuit kayuhininik ilihautiphiknut atuqtitlugu una pivigiya pilariakhaqnik piyakhaqnut inikhaq maniliurutiptingni. Ukpriyagit.”

“Ilihimatquyatka tapkuat Inuit Tapariit Kanatami ikayuqtuiyut tapkununga Inuit ilihatqikhaqni iliharniq quyagiyatkalu tapkuat Mastercard Tunngavik tapkuatlu Kavamatkut Kanata hanivaivigininut,” uqartuq James Eetoolook, Angayuqaq Tuklia NTI-kutni.

Tuhaqpalliriama:

Malaya Mikijuk, Hivuliqti Tuhaumatyutit Ilihaqtuq
Nunavut Tunngavik Nanminilgit mmikijuk@tunngavik.com
867-975-4919

Qalakyuarniq-19 Tukhirautit, Ikayurutit Tuhagakhatlu
Nunavut Tunngavik Nanminilgit covid-19@tunngavik.com

Unniqtutit

Talvani 22, 2020, tapkuat Mastercard Tunngavik tapkuatlu Inuit Tapiriit Kanatami (ITK) tuhaqhityutigiya katutyiqatyigigut tamna \$1 milian hugiaqniut atuqpiarialgit piyalgit tapkununga Inuit ilihaqtut humiliqak Kanata hugiaqhugu tamna aaniaqyuarniq. Tapkunanga katitlugit, Nunavut Tunngavik Nanminilgit tuniyauyut \$501,000.

Atuqhugu Maniktakhat 2019, tapkuat Kavamatkut Kanata atuqpiarahuaqtat hanivainiq \$125.5 milian tapkunani 10 ukiut tamnalu \$21.8 milian ukiuq tamaat atuinqnianik tapkuat Inuit Ilihatqikhaqni Iliharniq Atugakhaliat. Tapkuat ITK-kut Katimayit katittut talvani Tisaipa angiqhugulu maniktakhat kitityutikhat. Taphumunga hivulliq ukiuq, Nunavut tuniyauyuq \$579,917 ilalgit tapkuninga: turaqpiangittugit ilihaqtut ikayurutit aktilanganik \$434,938; tamnalununalikni piqataupkaqni aktilanganik \$144,979.

NTI-kut Timinga Inuliquitit Iliqutit Pivaliatitni ikhivaqatauyut tapkunani Nunaqyuaqmi Inuit Katimayiralaat Iliharniqmun (NICE). Inuit Ilihatqikhaqni Iliharniq (Inuit PSE) tamna ilagiyat-katimayiralaat tapkununga NICE. Nunaliit Avikhimanini Inuit Katutyiqatigit tapkuatlu NTI-kut Timinga Inuit Ilihaqnit piqatauyut tapkunani Inuit PSE hivayautikkut katimaniq(nit) tapkuat ilalgit ihumagiyauni tapkuat: ilagiqni tamaitnut pilaqnit tahapkunanga Inuit taphumunag Ilihatqikhaqnit havagutit; hakugikhivalliqnilu ilihaqtut maniktakhat havagutit.

Tamaitnut maniktakhat aviktauyut tapkunanga Inuit PSE Atugakhaliat hitamanut ilagiknit:

- turaqpiaghugit ilihaqtut ikayurutit (75%)
- nunaliuyut piqataupkaqni (5%)
- turaqpiangittumik ilihaqtut ikayurutit (15%) tamnalununalu
- nunaqyuaqmi kamagiyaunia (5%)